



Universitätsbibliothek Paderborn

**Dormi Secvre: Vel Cynosvra Professorvm Ac Stvdiosorvm
Eloqventiæ,**

in qua Centvm Et Viginti Themata Oratoria. Non Solvm Stvdiosis, Sed &
Professoribus eloquentiæ, ac pietatis veræ amantibus utilissima &
pernecessaria explicantur ; Cum Indice rerum atq[ue] verborum locupleti

Tympe, Matthäus

Coloniæ Agrippinæ, 1650

LXVII. Poëtas esse mendaces.

urn:nbn:de:hbz:466:1-38994

POETAS ESSE MENDACES. 239

SEXTUM, *Tempus*, quod in ipsa mortis hora, cum
Susanna jam condemnata ad supplicium duceretur,
hoc in eam beneficium collocari. *Doce* quantum
sit jam moriruro vitam insperatam donare.

In EPILOGO hortaberis omnes, ut quam diligenter
eissimè in omni virtutum genere Danielis vestigia
sequi studeant.

LXVII. POETAS ESSE MEN-
DACES.

EXORDIUM à similitudine. Quemadmodum
Syrenes cantus suavitate homines deceptos
olim pertrahebant ad perniciem: ita Poëtæ per
suam Poësin, verborum lenociniis distinctam, ceu
colorum varietate pictam, mendacium in animos
mortaliū instillant, & veritatem nequiter perfundant.

CONFISMA I. ARGUMENTVM, à Notatione,
PRIMÒ, Quid aliud mendacium, quam contra
mentem itio? At contra mentem ir, qui aliud di-
cit, ac sentit. Hoc autem Poëtæ faciunt. Homerus,
Virgilius, Ovidius multa protulerunt, quæ mini-
mè ita se habere sentiebant, judicabantue. *Hic ali-*
quas fabulas commemora, & doce, neminem sana
mente arbitrarie eas vel tantillum veritatis conti-
nere, imo ne ipsos quidem quifinxere. SECUNDÒ,
Quid notat aliud Poëta, quam fictor? Quis singit?
Nonne qui esse aut fore illa affirmat, quæ nec
sunt, nec erunt? Quod qui facit, non congrueret
veritati facit.

II. ARGUMENTUM à definitione. Mendacium est o-
rationis vanitas, & affirmatio fumosa, qua ea dicū-
tur esse aut fuisse, quæ non sunt, nec fuerunt. **Quis**
vero unquam credat ea, quæ Poëtæ fabulantur? Or-
phei videlicet cātu nemora ferasq; omnes unum
in locum confluxisse? Nemo certè, nisi qui arbori-
bus auditū & pedes esse certo sibi persuaserit. **Quis**
credat quod Amphion suavitate versuum saxa ex-
citat?

240 POETAS NON ESSE MENDACES.

citarit, & impulerit quo veller? Nullus profecto, nisi qui lapides sentire arbitratur. *Hic converte orationem ad rerum naturalium venatores, & naturam investigatores,* & quare ab illis an cum veritate habeat commercium si quis putet saxa sensu vigere.
III. *Ab auctoritate, PRIMÒ Platonis, qui monuit, ne quis Poëtam sibi faceret inimicum. Cur itaverò? quia, ut ait Horat. genus irritabile vatum, & quia Poëta falsissima eructat, clarè obstat epit, & omnem bilem chartis illinit.* *SCCUNDÒ Proverbi, quod usurpat Aristoteles in Metaph. Poëtas multa mentiri, quod ipse Horat, confirmavit verum esse cum cecinit.*

— *Pictoribus atque Poëtis*

Quidlibet audendi semper fuit aqua potestas.

Hunc locum amplificaturus digredieris in laudem Proverbiorum, dicesque; quod Proverbii tota ferme prisorum Philosophia continebatur, proinde columnis ac marmoribus passim insculpta videbantur, tanquam veritatem exprimerent, & memoria immortali digna essent.

In PERORATIONE monebis studiosos, ne artē hanc mentiendi discant.

LXVIII. POETARVM A MENDACIIS
ignominia defensio, quod Poësis non sit mendaciorum cento, sed veritatis inuiculum.

IN EXORDIO inueheris in mendacium, quippe quod maxima importet generi humano damna, quo vitio si se conraminarent Poëtæ, ut ii ex hominum societate exterminarentur auctor esses, & adiutor: verum cum eos mentiri minimè sit verum, ab eis ignominia ipsos te defensurum significabis, adversariique dictis responsurum.
I. *Dixit eos mentiri, qui fingunt, & fingendo am-*

Vide Caliu

pli: